

西浙泉厓邵先生文集

刻泉厓先生文集序

以予師泉厓先生文集也昔先生守成都聲績流著語在丹厓  
劉公所撰去思碑記中公暇則網羅譽髦甄育而品藻之值嘉  
靖丁酉秋四川校士一榜差半皆出公檢閱予亦幸綴末行未  
幾先生在告而予奉

命撫南畿先生持文若干篇過予官邸屬予為之序予方譙讓  
未遑也既予亦西歸而先生又走書尋前盟方欲命筆而先生  
已僊歟矣今其子棠生又請予益感而歎歎者父之嗟乎予豈

忘先生疇昔之命耶予嘗覽近世學士大夫其所撰述大抵樂  
柔嫚者纖而弗勁守紀律者局而弗揚沿靡麗者縵而易溢崇  
渾朴者質而易俚弘治正德間夢陽李公發迹於北郡景明何  
公振藻於信陽禎卿徐公揚休於姑熟西原薛公高視乎南畿  
然後四者之弊一洗而去近蓋無匹休者焉予讀先生文渾厚  
閎深先秦兩漢遺矩也然未嘗襲其一語蓋先生雖憲章前古  
而神幾天巧非假人爲觸物陳詞縱橫磊落頃刻而千言立就  
韶鳴鳳躍玉綴珠聯豈惟無四者之弊即與四君子爭響競耀

繫長度大可矣予嘗擬先生之文其奇也如層厓疊嶂連雲間  
出其勢也如長川大河波濤洶湧非不駭心奪目及近而即之  
則蒼然之色淵然之光又未嘗見其異也蓋先生之蓄也深故  
其發自遠其精也專故其變不測自其臨政御治號令徵發米  
鹽瑣屑皆文也豈必摘藻而後知哉先生其不為今之矩矱而  
有合於古明矣詎與夫沿習區區篇模而字擬之以愚陋拙者  
可同日而語哉雖然先生何以得是也其先大夫大峯翁以文  
行表於一時有眉山之懿而先生與伯氏弘齋君夙承嚴範俱

起家成進士步軼轍之芳其淵源蓋有自云先生名經濟字仲才別號泉厓杭州仁和人

皇明嘉靖四十一年壬戌春二月吉旦

賜進士出身中憲大夫都察院右僉都御史奉

勅總理糧儲提督軍務巡撫應天等地方西蜀門人明厓張景賢頓首謹啟

附錄

四川成都府去思碑

賜進士出身通議大夫都察院右副都御史奉

勅巡撫貴州等處地方天彭卅厓劉士元撰

夫執政者儼然而臨乎其位政之所行有張弛好惡故  
民之從違毀譽恒叅半焉而公是則罔憑也惟於去位  
之後毀譽之情與物俱化犁然以沮而人心之公是可  
定也已故封南國之棠者思召伯之政泣峴山之碑  
者思泚子之德油油然于千百世之下有足稽已仁和  
邵公來守成都懷柔我土有以系民之思者因略其槩

公自丙申春來蜀歷夏無雨公禱神四郊霑澤皆稔且  
弔古崇祀問俗求瘼百度改觀一新成都父老聚首相  
賀曰一十八季來蘇也其我公竟見乎成都當全蜀上  
游繁劇叢集如蝟公靡宵旰批牘竄稿無停遇疑獄則  
焚香籲天一決如見平反者弗可勝計咸以神明稱之  
蜀賦歲逋公立限不刑一人而儲餉充實數十萬公暇  
則甄育士類督之文院聘師主之每期品藻批掇罔倦  
值丁酉秋校士一榜次半皆出檢閱時稱得人至戊戌  
攷校當國者論及公可當天下治行第一迨入蜀以外  
艱去爰被誣釋位嗚呼公矢心如青天白日而勤事如

治家綜理周密無不可對人言者公去成都至今日長老童子以逮昨隸邈乎聲容之不相及也思之若弗能忘泫然至欲垂涕所謂天下之公是者非耶弟子員黃閣趙承恩輩請言以慰民心之思爰樹碑德星亭於四公祠之右勒之石昭昭美若少府包公梧陳公知方咸官成都繼休於前政法得並書以俟觀風者采公諱經濟號泉厓伯氏經邦俱名進士抑以直道忤時浙仁和人

嘉靖歲丙午冬十月既望

西浙泉厓邵先生文集卷之一

眉山門人明厓張景賢梓

華陽門人方湖王 詢校

豐祥協壽頌并序

皇天壽康下民式孚明弼于維民休有徵罔不豫厥衷  
臆肇戚如厥躬懋哉嘉靖歲庚寅我中丞梅國劉公若  
聖皇命撫淮治漕儀我多士乃言于士曰國計惟漕于  
何云修我其飭之國脉維民于何云綏我其釐之士曷  
志哉千時流河湯湯湮我甸服民罔攸勤公曰艱哉曷  
禦之今年辛卯春不雨至于秋七月蝗蝻蔽穹民罔攸

食公曰鮮哉曷慰之乃䟽于朝乃勅乃官以蠲乃庸  
民乃蘇息乃猷于士曰賦者國之藉也恒卹諸可乎穀  
者民之命也恒辟諸可乎士曰匪穀曷充匪賦曷共厥  
惟自哉雪者穀之精也豐祥之徵也維今何時公戚曰  
日至矣臘矣殆其春矣曷致哉乃噉乃辭乃咎乃躬乃  
檄乃司俾省乃愆以召乃和檄未下雪惠用溥時臘三  
日壬午也甲申又雪丁亥又雪弗已也四郊同陰萬井  
一色公喜曰是可以壽民矣可壽國矣可壽我聖皇  
矣我乎何有而四國之民方且獻壽于公而公之壽也  
惟日乙巳崧降嶽鍾適與期會於乎是可以壽公也矣

某不敏敬拜稽首而作頌焉其辭曰於 皇時明氛妖  
肅清萬邦攸寧 帝膺天期龍飛鳳馳百寮師師惟賢  
是庸惟德是崇曰維我公爲士作程爲國作刑邦家之  
禎 帝曰疇咨格人元龜保我遺黎公來自東淮濱忻  
懽大啓殲瘝閭閻衍衍而無求嘆公胡云安公心忡忡  
蝗蜚蘊隆胡災我躬士亦有言明德通玄惟雪之占氤  
氲兆祥豐年穰穰伊胡云降憂縈于思神激于辭檄我  
諸司朔風初屯彤陰載昏鼓彼玄門九野襄徊三靈萎  
蕤陽道斯迴槁肄更新枯芽向春萬井生欣佳氣葱蘢  
至和所鍾民心攸同民亦有言樂後憂先維公則然我

公降神式月斯生洵美且仁跂彼長庚維星明明繫公之徵太微之垣維星繁繁繫公之躔純嘏爾常以壽萬邦公休無疆胸山嶺岼淮流潏潏頌千萬年

西泉大壘頌有叙

嘉靖癸卯嘉平之吉 封監察御史西泉鄒公八十誕辰某辱公嗣和峰先生克敦年誼雅念同袍昨年簪筆授簡按治全蜀予時居守成都服紀承役爲群吏先乃獲免愆咎更屬濫竽之及何莫非公所錫予哉邇來觀察我剡土奉誨間得聞公起居纖委第萬里南中遠莫可致也今茲大壘可斬一言爲西泉公壽公以和峰貴

受勅綸言褒嘉錫以臺察而烏紗豸繡寄傲林臯百  
歲之徵蓋可必者詩云樂只君子遐不作黃耇樂只君子  
保艾爾後公之謂也予小子拜首而作頌曰 聖皇明  
明其德好生萬邦咸亨鮮茲滇土有泉斯溥率西水滸  
泌被西泉曰浚者淵其流潺潺噴瀑灌漑百千萬載滙  
于洱海條而雲蒸忽而龍升霖雨時興彼美君子性天  
澄止西泉是似時流而行時止則清丈人之貞源則有  
委支而爲汜潤及千里彩鳳鳴陽奮于朝堂爲龍爲光  
攬轡三川平反省愆象公之賢觀風全浙後先一轍師  
泉之潔 帝曰憲臣功業嶙峋胡殊爾身人亦有言惟

德動天賁彼鸞牋服茲命服繡衣朱轂受天百祿人亦  
有言惟德通玄稷此心田再耘再耔穀種攸時爲天下  
利我公誕生泉山之精瀾滄之英惟臘旣望梅情柳狀  
春先相向公壽而臧弗祿爾康公休無疆小子不淑瞻  
公遐躅修此華祝祝以太椿虛緣葆真八千爲春祝以  
今威冊砂羽衣千年來歸物各有紀頌胡足侈我心曷  
已我祝我公泉山與同地天與終

重慶四壽頌有序

叙曰國莫尊夫高年人莫重夫老壽高年而上無所賴  
莫之豫厥瞻也老壽而下靡所承莫之昌厥胤也雖云

享有遐算修齡未爲純嘏戩穀世人遘此胡足多哉西  
川之涪有譚著姓積德累葉已神嶽降之祥世考厥成  
式燕魯膺之喜今我少嶠監司厥祖金沙翁壽年八十  
有四厥父松軒翁壽年五十有八厥祖母周母氏沈咸  
躋壽域康寧胥慶且被 恩封于 闕下服金紫于庭  
除十錫有待于將來千鍾卣報之未艾夫是之謂純嘏  
是之謂戩穀茂有尚也 皇朝恩榮賜第有錄父母俱  
存直書且慶若口重慶下者必祖在而後可得書也噫  
嘻參差長短之間曾有四壽重慶如我重慶四壽者哉  
少嶠丁酉川闡杰士也予時濫役簾外乃得與義文學

之精有以驗其夙負之不凡者及今監司我澗益復推誠容與獲聞四壽之全願效千年之祝謹拜手而作頌曰猗惟西川峨眉當天地靈人賢衍及巴渝涪江委紆萬里東驅山高水長歆彼鴻龐萬方之綱山澤通氣靈光攸萃爲世之瑞三辰安躍萬善則全壽命永延彼涪敷腴三峨所趨有譚其都明德馨香奕世用長厖眉相望彼金沙翁考德弗庸人高其風初秋降辰木公後身八千爲春松軒者子亦崇厥齒老萊是似昔富于文奮志青雲中道離群尊彼高年孝養攸先松翁則然薰風時清式月斯生跂彼長庚今妻壽母是姑是嬾地天與

久賁于瑤池青鳥棲遲珮環委蛇泰和所鍾四壽攸同  
百祿是崇乃生少媚天人爭奇邦家之基發軔西川秋  
風錦轡山水生妍予寔載師掌閱兼司善彼雄辭計偕  
春宮策獻重瞳鴻毛順風乃職廷評天下之平刑獄之  
衡居思其職釋之定國民無冤抑爰錫封章爲龍爲  
光松翁是將晉茲憲節監司于浙水王之潔明察不私  
秋毫靡遺勅乃諸司去彼貪殘善良以安澤流彌漫用  
人有言世德相沿弗履綿綿淪人有言祥刑無愆裕後  
光前慙予舊吏西川是寄稔厥翁懿翁順而修作德日  
休貽子孫謀翁靜而貞弗撓爾精錫類長生四壽用臧

祝言用光頌聲洋洋我作此頌後諸賓從祝誰與重峨  
眉蒼蒼浩江湯湯萬年無疆

五雲雙鶴頌言

維 皇嗣大曆服二十有八載我竹坪何子以地官尚  
書郎秩三載考厥成于天曹 天子覃恩敷錫貶封逮  
所生授之 勅命如子官毋安人異數也何子晨起戒  
嚴具袍笏簪珮伺 闕下于時鳴雞啓旦旭日初升瞻  
彼天都 龍章煥發而五雲縹緲間則見雙鶴廻翔揚  
翎欲下何子于于洋洋蹈舞稽首祝 聖皇萬壽百拜  
捧 勅以行無何被簡惟吳門望望親闈越去萬里而

封榮在念登慶未緣今年庚戌秋以余曩守西川寔與  
何子夙有友誼且敦好焉折簡來武林余方鼓枻作汴  
漫遊入姑蘇抵許墅關何子迓焉開尊信宿讌語驩踰  
平生爰述封榮之祥以丐登慶之引余作而曰五雲雙  
鶴其竒也哉盍揭之卷端是可以徵慶也可以徵壽也  
已乃衍而爲之詩詩曰倚與雙鶴寔維僊禽花潭比翼  
錦水盟心飫彼稻梁雄鳴雌和林壑棲遲烟霞坐臥王  
衣凝雪寶頂還丹肅肅雖離既和且安警露先鳴占風  
欲舞嘉氣所鍾僊雛攸乳恩斯勤斯育養維艱羽翼漸  
成超越塵寰天際飛翰岡頭振步千里雲霄九臯風露

造就鵷班于今三年華池清夢洛浦朱弦矯首西川真  
出天外燕雀同群使我心旌帝命曰都錫爾龍光  
綸言用褒渙號是將雙闕天高五雲日近江海嘶恩  
際此昌運宿彼崑崙食此琅玕表儀正鳳藉寵傳鸞乃  
刷脩翎乃整玄袂顧影徘徊中宵清唳瞻心萬里上祝  
千齡曷云其還于彼雲汀唼以湖萍飼之沅芷吳市猶  
祥緱山燕喜乎化愧余翼飛天衢覩爾軒車慰我泥塗  
令威年華蘇耽甲子百千萬禩永茲風史

壽遲松翁頌并序

維 皇建極三十有一祀爲嘉靖壬子冬十二月七日

我叅藩顧日巖尊君遲松翁六十壽于時日巖旬宜我  
浙服寔有甫侯申伯之寄弗克省候陟堂宇以獻以  
祝爲松翁壽俛俛焉長望楚天日夕千里弗置也厥仲  
桂崖擢庚戌禮闈先期北指射策大廷虞弗克及翁  
誕辰登慶祝獻而翁方且烏紗豸袍陶陶遂遂北向焚  
獻忭舞稽首祝 聖天子萬壽更祝我日巖暨柱岷岷  
保祿位守官箴翊 皇明億萬載無疆之基無胥眷戀  
膝前煦煦然兒女子態可哂也日巖福澤沾被湖山由  
臬陟藩精白一德承藉 恩命以壽海宇民物于永永  
用無涯已則翁今日之壽吾儕可無一言以代日巖勉

獻遙祝意乎爰稽長松之祥以申松祝之引而作頌焉  
其詞曰倚輿松翁天殖其躬佳氣鬱葱至和所鍾風致  
偕俗質而不俚根荑蟠結枝旃揚起含精苞貞于斲之  
陽飛津九嶠流潤三湘節豎山連材充棟侈方斲之加  
旅楹之倚胡不自售自同樗櫟萃拔林巒換老岩石冰  
雪與儔烟霞與盟寒暑不移性天所成乃構園亭醒心  
豁目引養引恬厭彼繁縟晚翠自湛意興所甘春華敷  
榮任彼沉酣彤旌交陰粉香飛穎風罅通音月先篩影  
修顏紛披灑然其都鸞棲比翼鶴引雙雛日下苓生巖  
頭千落雨露封培萌桓回錯文褰而理條咆而腹瞻彼

日巖奮于天衢蒼虬曳鱗赤蜃帶角柱下風霜臺端山  
嶽直聲鼓天孤標刷雲蕭蕭亭亭屹不可群移陟柏臺  
執憲孔蔚載叅微垣棠陰蔽芾浙土倚毗松翁之貽桂  
石之基廟廊之裨爰及桂崖殊卓之材玉樹天香春風  
九垓翁心燕喜既受帝祉白鹿真操青羊玄紀維時  
隆冬百枿具零胡直後凋翁挺誕生大夫封榮三公壽  
兆翁誰適從畱侯是好青山養高赤壁棲真千霜競秀  
萬有同春寧神葆和寓號表德天齊其齡地永其植不  
老者僊松翁則然頌聲縣縣於千萬年

石林雙壽頌言

維 皇建極熙治三十有三載隆長之慶敷于海隅蒼  
生懋昭丕承怡愉乎聖咸乃躋夫壽域惟耆之庥今年  
歲癸丑膺月念日爲我 封水部尚書郎石林凌公七  
十誕辰明年甲寅春三月安人陳亦介稀年某曩署工  
曹寔與公嗣洋山先生夙有案誼迄今觀風全制雅念  
同曹日夕奉詢聆公起居而吳越懸情盈盈一水今茲  
雙壽其能已乎祝言乎哉公冢君道山先生都諫 明  
廷公受 天子明勅重封屢錫褒賚有加向微德以將  
之不幾溢美已乎詩云俾爾戩穀罄無不宜是故穀者  
善之謂也戩穀而無不宜德而獲福之謂也公性溫而

言毅氣剛而禮恭謂親之恩如天也則孝以敦行行莫  
先乎教家也則讓以感化親黨弗給者周之人莫難于  
正已也貧且不取達廼知命患莫逮焉正已以正人也  
明以辨疑諒以平質而質者俛服無間言若夫力學以  
行檢爲先仕進以忠愛爲急則又立德善後之大端太  
本夫人有一善行亦足長命來世而公之德之善種種  
若此則固知其何天之休而享此脩齡也夫德以基壽  
榮以徵福乃膺元祉乃躋大耋天之懿也理之衷也某  
不敏敢稽石林之祥以代崧高之祝其詞曰於皇時明  
嘉肺底平萬方咸寧有美吳會昆岡隸治良王攸萃江

表之英昆吾之精產此連城剛介自僻叢樊迺適曰林  
與石鬱彼石林壁立千尋爲國之琛懷瑜欲獻美弗自  
銜金閨遺彥抱璞守貞砥錯是程玉色金聲游心藝苑  
石林詩卷風清雲遠迺構岑樓充棟汗牛文通與儔石  
林寄傲康千節操平泉襟抱州司好寄載拜載諮丈人  
之師一時器賞靡不崇獎賓筵用享洋山之陽山玄水  
蒼儲靈孕祥擎天雙壁補闕五色 帝臺之式正笏立  
朝屹然孤標嗣公之高水曹水蘂監司一節嗣公之潔  
台基崇只柱石伊邇邦家之倚雲蒸蓮編苔駁錦牋式  
相後先 綸言赫奕龍章駢錫明明朱芾冠服則然無

縈無牽陸地人僞青精可飯白石可爛塵世之玩我公  
降神十日先春梅香柳顰後春三月北堂華髮維悅之  
揭雙壽聯絲騰秩稀年岡陵無騫慙予不淑三生之辱  
脩此遐祝祝言用光石林徜徉睇彼滄桑

舟山雪夜大捷頌并序

皇祖肇造區夏定鼎中原薄海諸羗罔不內屬臣妾然  
尤以島夷狡黠蓋深備禦故自閩廣浙直以迄齊魯放  
于遼陽沿海疆圉靡不建衛設總董之聞帥專勅督  
海憲臣以重脩倭之寄且各高城峻壘兵以邏之傳報  
聲息不令登泊剽掠孔翼且嚴邇來窮島鞠凶罔荒樹

藝乃弗自委就斃情亂草竊凌斥疆防煩我 聖主  
命元臣大興師旅禽獮而草薶之柘林沙陞七八諸團  
遠近驛騷焚劫負郭市鎮我兵斬獲奏報月無寧日  
卯冬倭奴一股百餘自台而明屯劫舟山占據邵舉集  
險路隘登陟乃艱賊且濠柵周防牢不可破矢石設伏  
營壘自持出沒靡常耕作食飲似作久居計寔伺春汛  
結夥入寇叵測也而我西蜀王方湖公詢文武才畧  
絕天人先時省會士民保畱防海素屬人望宮保甬江  
趙公總督梅林胡公交章薦陟臺憲整飭海防丙辰秋  
欽命勅令會同督撫諸臣督率總叅備倭等官賞罰用

命不用命者異數也方湖即日捲甲練兵駐劄定海相  
擬設謀銳意克捷分兵團哨斷絕去途計遣被劫氓庶  
數輩以故入巢俟隙內應賊乃不疑入臘雨雪頻仍怪  
撫山峰阮公指授總戎虛江公大猷協謀密檄將領張  
四淮等仗雪發兵刻日進勦望後二日壬寅自舟山達  
邵舉甲辰次賊寨前山乙巳雪更大作乘雪夜明銜枚  
鼓刀直抵巢下砍棚賊警率衆突戰不三四遇內應舉  
火風便燄烈賊返護巢我兵四面合攻斬殺勦絕被掠  
婦女百數十餘兵衆不得占畱官贖寧給一無傷害民  
心尸祝更在于此昔唐裴晉公雪夜入蔡擒吳若出一

軌然裴以相臣重權都統大柄提兵數十萬征討四五  
十始克有濟舟山信宿成功不遺一鏃自今視昔更覺  
可偉而昌黎奉詔摘碑大陳功伐至今膾炙人口某于  
詞命雖非所諳能無一言以昭殊特以示我中國之威  
靈有凜乎不可犯者猗與盛哉其詞曰於皇 聖明夷  
夏底寧紹統熙治海宇穆清受命溥將德澤覃敷誰其  
憑凌自來爾辜茲倭奴天討 有年告凶揆備用  
竭乃夷亮頑乃東 虜 虜風塵遁海疆場  
濁亂腥穢犯我戈 矛 命將推轂傾百  
里舟山以屯以營 其賊大肆

其侮集險且隘耕作自將濠柵砲石亦自隄防嘯聚盤  
結亡命協從若豕之桀而狐之封貪殘心性曰俟春汛  
勾引大隊以晷策應深奸寇攘良用勦除若匪得人患  
曷以祛督帥諸老日切懷抱慎選上塵以肅天討天  
子曰俞勅爾憲臣整飭海防以庇我民惟茲憲臣祇若  
帝命移節定海以鎮以靖定海邇海舟山其隩可伺虛  
實可偵向道嘉平入望雨雪載塗海天一色萬里模糊  
乃松將領乃統兵衆秉鉞操戈林僵海凍奮不顧寒夜  
伏雪行險者就夷隘者向平人謀僉同天奪其魄酣臥  
津虞立見垂隔銜枚鼓刃登陟攀引砍柵扼吭賊始太

寒冒死出戰不三五合內援火騰星流電燿賊乃奔命  
我兵合攻呼吸風霆孰攖我鋒虐燄熾天殺聲撼地群  
醜殛誅酋首就殪有俘盈車有馘在函挽輸會城小大  
聚談曰此勅囚隄備孔周一鼓掃滌功誰與侔雪夜成  
擒追惟蔡功元和大業千古稱雄矧茲駿偉當在裴右  
露布傳宣掀揭宇宙諸羗聞風心喪膽寒那復自厲以  
爲民殘 聖心載愉封拜在即吾道大行從此可識  
天保祝親頌言拜序

嘗謂君之與親其尊同忠之與孝其道同華祝者三  
呼必再其稱願同然則人子之心其欲天之保定我親

使之獲壽者又何殊成周盛時爲人臣者歌天保祝願  
其君使之獲福如此邪古郢郭少岡先生以進士司理  
我邦心平氣和洞厥民隱民以不寃不三年化行真有  
措吾民仁壽之域者明年十月之望尊堂太夫人壽屆  
八旬雖爾家食日益康豫少岡恒以弗獲迎養歉諸心  
爰摘天保月恒日升南山松柏之詠之句摹爲四圖俾  
之咏歌被之絃管以申遐祝以寄永懷余聞而佳之作  
而曰先生其良于祝親也與哉自謂弗是之祝弗足以  
殫厥稱揚肆諸頌禱以識無所弗用其極之意而他非  
所尚也猗與休哉某不敏謹藉手按圖折簡聲之頌言

以衍天保之章以代我諸士民之祝以宣少岡逖違遙  
致之忱行看太夫人賁厥珈帔饗厥金鍾而燕厥老壽  
永永無斁也其詞曰猗惟夜光太陰之精普照萬有瑩  
徹千靈貞明含輝融絜不翳顧兔在腹蟾蜍容裔金虎  
西曷玉羊東馳皓彩就盈質日以虧我祝我母如月之  
恒經始乾極低回玉繩初魄之懸冰弦欲上攬不餘掬  
光可彌望臙隴徘徊漸次脩整三爵臺高九華殿迫龍  
光自天鳳誥攸賁露下湛恩霞當明帙良宵繁蔭昉  
于初弦抽毫陳規永夕常圓其二曰陽明麗天德澤斯  
溥洞微燭繄群生攸祐赤龍曜靈白駒過隙羲和在御

歛爾昕夕彼人子心愛目舒長戈麾劒指寧得魯陽我  
祝我母如日之升陽谷肇誕扶來載登虞淵揚休玄鳥  
濯羽離照下方奄茲員宇葵藿傾心來掄在念忠孝一  
源光景無限自今以始弭節萬里衣被四荒輝昭百祀  
我母恩光純嘏爾常合璧中天千年無疆其三曰維南  
有山亭亭天竦懷吐風雲萃茲靈寵上薄青冥旁漱洪  
泉宣澤布氣涵虛洞玄祥發荆襄秀連衡嶽貞淑孕生  
精爽攸託我祝我母如南山之壽屹立奠居永錫遐構  
金函秦封王簡漢時奕奕馨烈炳炳昭示巍乎儼然干  
初蒼碧越歷冰霜終古不易天柱太華奚啻岡陵長生

久視胡騫易崩寶發生芒光照几席東方陳詞獻此瑤  
核其四曰曰松與柏枚枚九九含精苞貞萃拔山巒根  
芟流潤枝節脩勁白鹿青羊乃見真性佳氣豐隆至和  
所鍾于荆之陽鬱鬱葱葱裊裊施蘿離離生子雨露滋  
培喬然奮起浙土倚毗惟母之貽柱石元材廟廊之裨  
母心燕喜恭受 帝祉燁燁褒封明明玄紀于時歲寒  
百卉就零豈曰後凋母且誕生我祝我母如松柏之茂  
庶植咸春千林競秀蒼翠萬年松柏則然天齊其齡頌  
聲縣縣

西浙泉厓邵先生文集卷之三

南充門人石洲張鑑梓

成都門人鑑塘周倣校

惇孝門坊記

王子言汝綸以孝稱者昉于按浙鮮公尚厥行餽之廩弗絀也五清劉宗工益尚之大書惇孝于門嗣按浙唐公復檄司牧以禮崇獎方涯鄧公贊之玉淵陳公傳之其昭示人心崇重當路厥惟舊哉歲甲申夏明詔頒天下天下之有節又孝行者上之牧司核實敷報以旌休美仁和爲浙首邑邑貳廖侯署厥事語諸案曰無孤

君恩無忽 明詔宜第行之仍自矢曰大節是崇先務  
爲急有司職也廉得綸而載事焉享以幣授之粲躬相  
厥址程諸梓爲木石甃瓦若干爲章程食費若干庀材  
鳩工未集也綸得之啓邑廳事曰朽質非行餉資過矣  
割侯之祿勤里之衆某寔難焉辭不克諫日啓土不百  
日而告成厥崇十四尺有畸深入半之廣十一尺有畸  
爲楹者四爲椽者念有一上架斗拱下築坡砌揭惇孝  
大書于楣楣之下勒以孝子名氏嚴以門限飾以黜聖  
翼以繚垣而地改闢矣予日過之豈復疇昔哉爰訊厥  
修因重廖侯知所重孝子能自重又獲借重諸君子成

之行將白之朝堂次之郡志名與斯門均不朽矣噫嘻  
予瞻跋不無感焉語曰人苦不爲善善必天報之人苦  
不修德德則人慕之此亦仁義未嘗不利之說而今  
朝家激勸天下樹門坊建綽楔匪直科目其節與孝雖  
昨若嫗不殊也夫氓若嫗而有節義孝行其旌揚于天  
下如此則夫科目士讀天下書任天下事而有節義孝  
行其裨益天下以爲天下望豈直氓嫗若哉爲天下勸  
益弘且博矣孝子少與家君峰翁友善相許讀天下書  
任以天下不幸殞厥怙痛嘔成疾乃不克求仕而成子  
名家君幸獲具慶無以自異程諸不肖迫以就封而成

父名及今門楣之表 封誥之推同出一詔則克享今  
名雖殊而所以叨荷 國恩均之也爲天下勸豈直孝  
行一端已哉援筆念及因附記之

湖守馮東沂公政成記

東沂諱曾北京人

經曰朞月而已可也三年有成夫以聖神過化而政之  
成也以三年允惟艱哉 明聖肇興百五十祀海內守  
吏明明屹屹者唯唯相屬也求之恪與經會蓋寡焉欲  
速者多弗達越茲無聞無紀也公幾矣哉浙當輿夏東  
南要區湖更南國之奧也震澤漫衍蒼雲滙歸厥地汗  
汗沴于澇文賦貞貞故不饒于刺公至矢曰我欲蠲賦

國胡以貊國旣不貊吾胡庸于桀乎民相語曰公庶而  
惠民安而利也于學校則曰吾患司牧之弗明無患子  
弟之弗勤吾患精別之弗公無患學業之弗克于時身  
以核之師以格之懋異者翼之教詔諄復裕如也雋又  
譁然曰蘇湖絕學今見東沂菁莪式感湖學益裨平居  
則安靖如山蒞事則莊嚴若神庸調輸役按自圖冊胥  
史無聞也有疑獄平見輒得之人無郵言民又相謂曰  
宦成之日筮仕之年乎專城之倚三輔之占乎湖習慧  
而悍昔寡求而弗爭今易訟而健辯公首下令庶得其  
寢者諭之曰我其禽獮汝汝尚可續乎我其生活汝盍

式汝穀乎民感而化相謂曰蠢茲我民罪在不宥再生之愆三天之覆湖有鴟義夜越獄中外戒嚴公曰無玩愒無震疊搯吭持之罪人乃獲民首慶曰虎兕之逸犬羊之厄復歸于桺伊誰之力歲甲申饑先是巳卯饑民枕于道公虞之憚心輸慮不請于官募民發粟民以不流民相告曰上天肆虐下民阻饑匪天曷生匪馮曷依夫節以券廉振以作士明以辨獄仁以導民靖以逮逋惠以濟饑公之政也於乎是足以盡公也與哉第其槃焉耳哢哢予予在所不論而政斯成矣行當獻之天朝稽諸銓籍澤及海內而四方之政行焉胡民烏得

以緩公哉于是士頌采芹民歌九戩中心惓惓思罔極嗟我辟旋乃辟吾之思乃息

都察院山西道題名記代蓉溪金公作

聖朝肇造區宇用藉乃臣服分布中外諸司以司諸事而臺省部寺諸司居攝之地也諸司事者交承代易後先靡常名氏籍里歲久且湮沒人之臧否政之美慝漫無記焉治之敝也欲知其人與政必藉名氏籍里以別之然弗識之石又弗足以示久遠則知題名勒石國之制乎竊惟周禮之載官屬備矣九卿庶府百執事以逮天下諸司紀焉渙也渙則無紀無紀非所以爲政故曰

立政之道綱紀而已矣天之則也政之經也國之有綱  
紀猶墉之有楨幹楨幹不具墉日以隳綱紀不陳國日  
以圯是綱紀也總之宰臣而糾弼之責風霜之任將臺  
察乎是司故曰外史掌都鄙及萬民之治令以贊冢宰  
於惟休哉洪惟我朝定制建官式循周禮百僚庶司  
各有攸職特懋御史之選以定國經以敦化本崇正糾  
邪咨謨訊獄受專道之寄分直指之權代后省方肅貞  
憲度帥惟群牧歸告成功厥惟懋哉某嘗伏讀我

皇祖御製文集諭御史有曰朕設察院職英俊祿忠良  
以寄耳目之任大哉皇言未嘗不嘆我祖秩專乎

御史而表正之是望矣夫秩專者責重表正者化行爲  
御史者節以風之威以正之明以涖之方毅以持之忠  
信以要之綱紀秩如也况山西一道厥隸孔艱離石鴈  
門接境沙漠塞北之虜控弦鳴鏑鼓行而游疾于風雨  
日竊于原野可畏焉故夫材官弗具士馬耗逸黠虜排  
衆則克慎之責罔不于是司以振之若裘絮其領順者  
可勝數矣是故名氏籍里具而後減否形減否形而後  
美慝見君子罔不思所慎也慎而介焉確焉無媿于石  
斯無慝于名氏籍里其或硜硜然轉移由人弗砥弗錯  
安保後之人弗于名氏籍里誓之耶予日掌院事抱璞

守貞無所干試今病老林下懷瑜欲獻之心弗少釋也  
敢因豐村金代述氏題名請記以儆諸若夫匪躬以于  
巷抒紛以康國金玉君子與石同不朽矣噫能弗有光  
于石乎

成都社學記

天皇宅眷西土廼命我哲人按茲全蜀諸惟綱紀治化  
罔不振揚孚應以底厥績厥惟豫哉嘉靖歲丁酉監察  
豐村金公賓雋告成廼晉予語曰學以杜名即古黨塾  
所以肄之小學以端大學之本也按制塾在公宮之南  
惟蜀首郡惟成都首邑茲惟攸墜人將焉淑予拜首曰

始予守蜀厥政孔棘輯以多方而之精肯惟 覲敷未  
遑式舉適承嚴諭敢不祇奉廼屢下少府陳子輔陳子  
屬匠氏徙厥廢祠命師氏分方度地于城之北于城之  
西延袤制率以若干丈爲廳一寢如之爲厦三中爲踊  
路翳之松栢翼以門屏築之垣墉覆以堦縵蔽之聖黝  
不靡而緻圖惟遠也廼今夏初月朔師氏暨厥群工夙  
夜矢廼心力罔不若制以赴厥工越三明胥於落止廼  
檄陳子徵儒碩分館職業彬彬諸小子鴈次受成偉乎  
雅觀茲復簡諸署督學僉事蔣公信屬予記以紀厥成  
先是公將事咨予召筮人以著遇易三蠱之九二日幹

父之蠱有子考無咎測曰蠱緒之墜也幹緝也無咎學  
有成人邦家光也爲忠臣爲孝子咸於是乎基之筮吉  
始程師而事事焉寔惟歲戊戌之秋夫斥邪以崇正哲  
也制質而不俚制也分社以廣教仁也檄下吏紀諸石  
核也先事必徵諸筮慎也君子以是知公之良於敷教  
矣一建學也而悉有夫令德繫乎牧人教責容追矣夫  
於是乎記公名燦字敷華第丙戌進士爲浙之嘉興人

華陽社學記

粵若稽古帝王之治未有不需人才以維世道以植人  
極而人才之生亦未有不繇教養之豫乃克樹立者故

家熟黨庠選民之秀者升之宣之以容節訓之以德義  
申之以教詔齊之以法令上修其道功化洽矣下聯其  
業明德溥矣夫然後鄉舉之里選之博聞強記穎敏慧  
達之士油然而彬乎其盛猗與休哉易曰蒙以養正聖  
功也又曰童牛之牯元吉養之于蒙止之于未角之時  
利貞而元吉矣蒙畜之義大矣哉迨夫王制湮道化塞  
博士闕學徒散不塾不庠而鄉舉里選之制爲世不講  
故曰古今不同而美惡之風異也西川僻在一隅而蠶  
叢魚鳧逃爾聲教中州文獻肇自文翁邇來聖皇覃  
敷教化夷狄蠻貊靡不傾心而况我西川哉第作人者

急于效用而忽志于發蒙臨場簡拔固足以應一時之  
求而端凝真醇之士終不多得何也不䟽其源不豐其  
本故耳嘉靖丁酉豐村金公若 天子命來巡西服衡  
文秩士而全蜀人才舉在目矣一日進某語曰蜀亦未  
嘗無才第文或浮氣或靡見或少沉着其繇蒙養之弗  
豫與子牧司也以爲如何乃畀之檄俾諸郡邑建社學  
以興教化先之于東南觀望之地崇宇周垣黜浮屠之  
宮而新之幣不知費民舉知工棟師儒之端慤者群國  
中子弟而聯屬之嚴密餘約先之以孝弟嗣之以廉耻  
次之以文書學藝義子第知嚮往也夫教道均一善可

作矣優卹資給貧可學矣課閎黜黷賞有勸矣禮義修  
明俗可尚矣不逾月見諸進也顒顒爾立也肅肅爾退  
而齒諸道也檐檐爾美哉風教之易入人也而况行之  
永永乎予作而曰先王之道文質之謂也文以文質質  
以右文文質備而古道得矣雖然習以性成化以俗著  
氣以居移是故遐壤僻邑顒顒職職厥質儉矣通都麗  
鎮交濟濟厥文靡矣是故立社之意推曲以致全因  
似以索真即近以企遠敦彞倫之本陳禮樂之極斯文  
質之大中也傳有曰周之士也貴秦之士也賤豈秦之  
士不逮夫周哉秦師法律外焉無文周敦詩書文質等

矣蜀之士其爲周之士也夫吁小子識之慎無忝所生也無忽豐村公建學之意也

夔州府社學記

嘉靖丁酉天下大比求賢大巡豐村寔監臨于茲予弗淑謬以掌卷是屬三川文藝之良子時披閱殆盡至期復命簡訂揭名公顧予曰休哉三川人文之盛也第限于制紐于額弗克彙征碑錄以罄以人事君之忠否則雲安魚復入轂者豈直二三子哉雖然是不可以不勉也事竣予覲道出川南入固陵灑灑瞿唐白鹽赤甲滄爾在望予作而曰夔山水之勝靈淑之鍾也雋髦昌

鮮哉桐岡郭守鳳過予訊予予以豐村公語予之語語之桐岡曰予牧予守予提調攸責而予郡子民重孤山水靈淑可慨也執事何以教予予曰其鮮蒙養之豫否耶乃相與比指相與復蜀至則公建社立學之檄四下矣測其繇曰家塾黨庠之制所以爲鄉舉里選張本欲成人才必先蒙養欲興教化必先里社欲周化育之全必先四隅觀望之地而一新之欲群國中之子弟必先師儒遴選之當而聯屬之先之以孝第次之廉耻次之以文書學藝所以約子弟者嚴矣教道均一焉優卹資給焉守令者課閱而黜易焉所以約師儒者密矣自是

禮義有不修明人才有不倍出而人人君子比屋可封之化有不臻至者乎甚哉風教之易入人也他日忠臣孝子建功立業不于三峽比隆乎是不可不預爲之所也署學道陵蔣公檄下夔屬予記以紀厥成桐岡復予請予乃述豐村公建學之意予是而加之念焉成周之風見于今日矣胡獨雲安魚復子民一大變哉胡獨科目人才一大盛哉是爲記

壽親紀言

嘉靖丁酉冬十月廿六日爲吾大峯太人七十壽先嘗某以卽秩守成都成都去吳越萬里知弗克違厥公事

爲吾大人壽越明年天下臣工入覲 天子制也時復  
有事塲屋知弗克驚越萬里爲吾大人壽而吾大人者  
方且示教種種一則曰吾兒當先國家之務而後私親  
一則曰覲 君禮殷壽親情緩吾兒覲畢歸以壽吾未  
晚也某服誨趨塲屋事事竣乃陳情于大巡豐村公公  
曰子至情也何復以篆煩子吾爲分符給驛以侑子行  
予藉手爲公謝以秋杪十日戒行于耆士民載途薦紳  
壘言各各進予曰吾無能乎祝公惟祝公尊公上壽以  
壽公德拜首于庭于衢于郊者唯唯也入暮不發止予  
錦江之津次日晨發十里許諸僚左泊鄉大夫浣溪諸

公趨至飲于江月亭仍暮不發未必克及壽期爲吾大  
人壽次瀘憲僉畏齋薛公甲爲予餞次巴憲副鶴汀朱  
公良爲予餞而撫臺西野張公駐節于渝亦下餞予荏  
冉日皆爲月廿一日矣乃復陳之西野公公曰子至情  
也吾爲檄諸司以翊子行亦未必克及壽期爲大人壽  
也發舟瞿塘經灩澦下風箱西陵兵書馬肝通明黃牛  
諸峽而秋水平灘長風破浪輕橈淺棹瞬息千里月未  
晦得抵碇州舍舟從陸而當陽荆門黃陂赤壁日在望  
矣遵皖涇江達貴池入桐川援風晴日晝夜兼程始知  
克及壽期可爲大人壽矣乃假壽吾大人者一致祝辭

是亦退而銘諸几杖刀劍無所不用其誠之意而物非  
所云也夫以萬里途程動經時月而天人協佑風日助  
妍稱觴及期此樂何極乃陳諸祝用引愚衷并附他章  
以申下憶而銘則系諸別簡云

平湖令水東張侯去思碑記

皇朝建國立制分布天下郡邑式重天下爲天下先是  
天下之治莫大乎安民而親民之官莫切于守令守令  
也者治之轄也民之經也可不重哉爲守令者知所重  
而心乎民廉焉慎焉溥陰陽而甄陶之則凡爲之民若  
士者親之愛之君之宗之真有若赤子之于父母煦煦

焉唯恐有所失及其去也搖曳心旌瞻依馬首能得無  
思乎去而思之猶夫身之臨之而尊親之也其有所私  
哉三山水東張侯之令吾浙平湖也平湖薄海分壤斤  
鹵下邑厥土惟瘠瘠故弗腴然隸于東南均之爲財賦  
要區與腴饒者埒制也侯下車攄誠殫思日夕淬礪以  
求杜害之門開利之源末由也崇約稽制申命用肅廼  
自矢曰徵焉弗時民日以夷完而後解民益以疲緩急  
後先唯民之占于時民相語曰我公催徵無妨撫字不  
侵以漁胡負且累我民之思我公之利庸爲去思之一  
租庸者國之計也而土田人民載在版籍聿十曆而夏

其侮巢險且隘耕作自將濠柵砲石亦自隄防嘯聚盤  
結亡命協從若豕之桀而狐之封貪殘心性曰俟春冰  
勾引大隊以曷策應深奸寇攘良用勦除若匪得人患  
曷以祛督帥諸老日切懷抱慎選上塵以肅天討示  
子曰俞勅爾憲臣整飭海防以庇我民惟茲憲臣祇若  
帝命移節定海以鎮以靖定海邇海舟山其隩可伺虛  
實可偵向道嘉平入望雨雪載塗海天一色萬里模糊  
乃拔將領乃統兵衆秉鉞操戈林僵海凍奮不顧寒夜  
伏雪行險者就夷隘者向平人謀僉同天奪其魄酣臥  
離虞立見垂隔嘶枚鼓刃登陟攀引砍柵扼吭賊始太

寒冒死出戰不三五合內援火騰星流電燿賊乃奔命  
我兵合攻呼吸風霆孰撓我鋒虐燄熾天殺聲撼地群  
醜殛誅酋首就殪有俘盈車有馘在函挽輸會城小太  
聚談曰此勅囚隄備孔周一鼓掃滌功誰與侔雪夜成  
擒追惟蔡功元和大業千古稱雄矧茲駿偉當在裴右  
露布傳宣掀揭宇宙諸羌聞風心喪膽寒那復自厲以  
爲民殘聖心載愉封拜在即吾道大行從此可識  
天保祝親頌言拜序

嘗謂君之與親其尊同忠之與孝其道同華祝者三貴  
呼必再其稱願同然則人子之心其欲天之保定我親

使之獲壽者又何殊成周盛時爲人臣者歌天保祝願  
其君使之獲福如此邪古郢郭少岡先生以進士司理  
我邦心平氣和洞厥民隱民以不寃不三年化行真有  
惜吾民仁壽之域者明年十月之望尊堂太夫人壽屆  
八旬雖爾家食日益康豫少岡情以弗獲迎養歎諸心  
爰摘天保月恒日升南山松柏之詠之句摹爲四圖俾  
之咏歌被之絃管以申遐祝以寄永懷余聞而佳之作  
而曰先生其良于祝親也與哉自謂弗是之祝弗足以  
殫厥稱揚肆諸頌禱以識無所弗用其極之意而他非  
所尚也倚與休哉某不敏謹藉手按圖折簡聲之頌言

以衍天保之章以代我諸士民之祝以宣少岡逖違遙  
致之忱行看太夫人賁厥珈帔饗厥金鍾而燕厥老壽  
永永無斁也其詞曰猗惟夜光太陰之精普照萬有瑩  
徹千靈貞明含輝融絜不翳顧兔在腹蟾蜍容裔金虎  
西晏主羊東馳皓彩就盈質日以虧我祝我母如月之  
恒經始乾極低回主繩初魄之懸冰弦欲上攬不餘掬  
先可彌望臙臙徘徊漸次脩整三爵臺高九華殿迫龍  
光自天鳳誥攸賁露下湛恩霞當明帔良宵繁蔭昉  
于初弦抽毫陳規永夕常圓其二曰陽明麗天德澤斯  
溥洞微燭炤群生攸祐赤龍曜靈白駒過隙羲和在御

歛爾斯夕彼人子心愛日舒長戈麾劒指寧得魯陽我  
祝我母如日之升陽谷肇誕扶來載登虞淵揚休玄鳥  
濯羽離照下方奄茲員宇葵藿傾心來榆在念忠孝一  
源光景無限自今以始殫節萬里衣被四荒輝昭百祀  
我母恩光純嘏爾常合璧中天千年無疆其三曰維南  
有山亭亭天竦懷吐風雲萃茲靈寵上薄青冥旁漱洪  
泉宣澤布氣涵虛洞玄祥發荆襄秀連衡嶽貞淑孕生  
精爽攸託我祝我母如南山之壽屹立奠居永錫遐構  
金函秦封玉簡漢時奕奕馨烈炳炳昭示巍乎儼然于  
仞蒼碧越歷冰霜終古不易天柱太華奚啻岡陵長生

久視胡騫曷崩寶婺生芒光照几席東方陳詞獻此瑤  
核其四曰曰松與柏枚枚九九含精苞貞萃拔山巒根  
芟流潤枝節脩勁白鹿青羊乃見真性佳氣豐隆至和  
所鍾于荆之陽鬱鬱葱葱裊裊施蘿離離生子雨露滋  
培喬然奮起淅土倚毗惟母之貽柱石元材廟廊之裨  
母心燕喜恭受帝祉燁燁褒封明明玄紀于時歲寒  
百卉就零豈曰後凋母且誕生我祝我母如松柏之茂  
庶植咸春千林競秀蒼翠萬年松柏則然天齊其齡頌  
聲縣縣

沾濕夜分大雨徹曉曉復開霽癸巳渡清湖宿江郎山  
下甲午登仙霞度大關宿楓嶺之麓乙未晨起陟梨關  
絕頂仰跂神貺峻絕不逮仙霞而陂陀倍之自是九木  
五墩漁梁千陽而浦城在望矣所苦不十里許煙雨驟  
至暝色侵衣輿人莫前僕夫告瘁野宿吳清家二月朔  
丙申雨如注少尹徐疊齋鳴鳳以舊申款竹南唐順昌  
字讌語終夕丁酉灘行宿小艇中夢弘兄笑語藹如也  
覺起泣下洒向篷底戊戌出將軍石鼓水擊准門九腔  
羊耳牛頭諸灘經雙溪口夜抵葉坊會梓沙王延平諫  
易以官舟開尊命旬夜分乃別巳亥過萬石灘舟行石

錦如飛瞬息指建安泊通都橋嚴亭張監司恕過予茶  
話移晷龍川顧都閫邦重語兄夢蘭之祥左山俞建寧  
叔襲午榜同年也別久會踈途遇始識開尊驛亭而梓  
沙與偕辛丑下延平至黯澹灘舟人報急心切悸焉水  
溢灘平一息千頃似出萬石之下壬寅歷蒼峽黃田水  
口白沙夜泊芋源而觴慶可必矣夫由浙抵閩越二千  
里關山峻隔灘瀨阻修向匪好雨及期溪流盈溢則固  
過發之無由矣尚何長駢之有賴哉今也紬指壽期尚  
先五日戒賓胥慶此樂何如爰紀諸凡以申忤悃匪徒  
文具爾也若夫紀行有作獻壽有章則書之別卷云

近堂記

余少學詩而知詩之爲義也邇之事父遠之事君人倫之道詩無不備宜其然矣其曰哀哀父母生我劬勞欲報之德昊天罔極則知父母之恩等之天地不可岐而二之又曰匪瞻匪父匪依匪母則不能無疑焉何也父母之于子也其恩同子之愛父母也其心同則又何所分別顧瞻父而依母哉蓋必有說也尚書大傳曰南山之陽有木名橋橋父道也故高而仰則知父之在所當尊而日瞻承焉者詩又曰焉得諼草言樹之背諼草母道也夫以諼草而樹之北堂以忘吾憂則知母之在所

當親而日依憑焉者豈近母而遠父哉大哉乾元萬物  
資始西銘曰乾稱父夫父以乾稱尊不可尚已母之于  
子有屬毛離裏之親焉有體分氣通之義焉有鞠育碩  
腹之恩焉其資生之功與資始者固少差殊而親親之  
心由衷而發又不覺其勃不可遏此鴻源名堂之義也  
鴻源自識曰先大夫遺命則曰塋所宜慎遠近弗計也  
先夫人則曰但欲治塋無遠汝居嗚呼先大夫之命至  
計也豈夫人之所敢方但人子于親瀕死垂絕之時哀  
痛迫切有所遺言則從而遵之耿乎不可違也故始卜  
塋于鴻源一舍許而日棲棲焉尚虞跋涉之煩莫遂終

老之計既而築室郡治則去鴻源又不直一舍矣爰陟  
卜于郡城之東不其已近而益近矣乎余小子某今年  
偶入番陽過湖圃乃得從而展敬焉見其丘隴累七墓  
木繁榮堂寢有輝繚翼有言朝鍾暮歌日與周旋出必  
陳辭歸也告虔雖死之日猶生之年魂乎其依心乎其  
安了不知春秋之云邁而歲月之我遷也古人一日養  
不以三公換鴻源肯以一日之近換三公哉所以勇于  
歸老而尚羊湖圃也雖然此亦鴻源之幸也鴻源獲視  
二親之歿聆垂絕之言以爲終身遵守之地如不孝者  
萬里奔歸親已就木終天之恨尚忍言哉徒傳遠念之

身月二集卷之二  
言弗及親聆其訓其不幸之不幸又如何也余故于近  
堂之記之撰不能不重爲玉泉之墓之悲也噫

信遊小紀一

嘗謂天壤間名山勝水盤薄宇內必幽結秘藏于窮崖  
邃谷中向匪得人冥搜遠探標揭而題品之以章其勝  
以發其隱則不過巍然其形塊然其質亦直與天地終  
始耳已勝胡足侈哉余髫年已抱癖山水逮尊仕路得  
聞名勝所在不憚險遠歷覽而縱觀之游癖之名每爲  
同袍者訾不計也及今病老林壑弗克放浪登陟以適  
余癖非年丙辰從明厓故人之請得覽吳門山水之周

丁巳又以方湖故人舟山大捷之故申款于明山定海  
問得觀大海之勝今年戊午元夕後先辱我鑑塘故人  
折簡走使畀余草堂曰春日佳麗景物芳妍安得節鉞  
過臨從游登覽余語諸憲副蓮湖李子蓮湖曰余爲子  
給驛以行方湖王子復余勸駕遣使導從刻日戒行正  
月晦前三日棹發江臯行間雖爾沾濕而雨足平灘長  
風破浪不越旬朔遂達三衢從陸過懷玉鑑塘方且嚴  
檄緝使迂余山堂復命署邑魏慕竒余行色而魏泊謝  
簿胥款余爲黃谷塔山東嶽之游春仲十日風雨登途  
莫抵聞講書院鑑塘比當校士百爾懸情執禮孔嚴張

具戲夜分乃別云未甲惴惴是若兩崇朝讌會終日  
白鷗崇享豐幣暎羞郡齋諸僚半村兵子翠野劉子沂  
川孔子亦復余讌余欲告別益用勤拳一日過余謂余  
曰公務拘絃靡克次第盍假入省之便得從上清之行  
余方畱過番陽泛彭蠡匡廬星子可在望矣命樺先駢  
輕灘迅發夜泊河口曉泚弋陽弋陽尹敬齋俞子方且  
禮遇周浹頃間報道我鑑塘仍以公務遄旋馳啓申故  
于是貴溪輟棹而發軔上清也

信游小紀二

是月十七日乙丑泊貴溪謝尹芝麓廬無爲人爲戒

言教氣剛而禮恭謂親之恩如天也則孝以敦行行莫  
先于教家也則讓以感化親黨弗給者周之人莫難乎  
正已也貧且不取達廼知命患莫逮焉正已以正人也  
明以辨疑諒以平質而質者俛服無間言若夫力學以  
行檢爲先仕進以忠愛爲急則又立德善後之大端大  
本夫人有一善行亦足長命來世而公之德之善種種  
若此則固知其何天之休而享此脩齡也夫德以基壽  
榮以徵福乃膺元祉乃躋大耋天之懿也埋之衷也某  
不敏敢稽石林之祥以代崧高之祝其詞曰於皇時明  
嘉肺底平萬方咸寧有美吳會崑岡隸治良玉攸萃江

表之英昆吾之精產此連城剛介自僻叢樊廼適石林  
與石鬱彼石林壁立千尋爲國之琛懷瑜欲獻美弗自  
銜金閨遺彥抱璞守貞砥錯是程玉色金聲游心藝苑  
石林詩卷風清雲遠廼構岑樓充棟汗牛文通與倚石  
林寄傲康平節操平泉襟抱州司好奇載拜載諮丈人  
之師一時器賞靡不崇獎賓筵用享洋山之陽山玄水  
蒼儲靈孕祥擎天雙壁補闕五色帝臺之式正笏立  
朝屹然孤標嗣公之高水曹水藥監司一節嗣公之潔  
台基崇只柱石伊邇邦家之倚雲蒸蓮編苦駉錦牋戎  
相後先綸言赫奕龍章駢錫明明朱芾冠服則然無

在望矣

信游小紀三

二十日戊辰安仁尹丁靜脩金壇人也詣舟笑語如舊  
知茶話良久釋紫雲以行泝龍津入八字腦問訊紅蓮  
渡候卒徒者竟日巳巳辰候長帆便楫夕抵番陽饒守  
陳龍峰長樂人也時以公務入省晤余于芝山厓許避  
后話談間知余登覽遠抱即命舟戒從倡余廬山之行  
蓋謂看山返櫂渠亦旋旌期候以便申款初更解纜分  
袂別去庚午節推劉夏川亳州人也鄱尹沈萬川亦無  
爲人各禮相加勤拳周給中丞戴鴻源年榜最厚者元

家德興今卜築于郡治東湖構園洵美且都余習聞之  
觀面間即覓一覽鴻源曰今且家叙詰旦放舟三子一  
孫森森玉立冢君小源懋中書君也風致克家餘悉  
士園園燕叙曲盡通家辛未夙興園游折簡至矣謙峰  
胡太府與偕遂過謙峰登芝秀閣得觀芝山之勝謙峰  
方且治具東湖樓船簫鼓船頭延眺山列畫圖回視西  
湖各有風槩而可以伯仲比倫耶呼盧命酒興逸若狂  
霏雨沾衣亦弗之顧未即三圃之席而心已就醺矣冒  
雨入圃門徑清幽桃李春風搖落幾半簞簞萬顆蔬麥  
千畦雖云閑適之區而寔孕結之地乃相與謙峰胡丈

登懷近之堂展尊慈之慕仁人孝子之心蓋有在也  
歌蒲座燈火當筵吐膽傾心此樂何極茲固鴻源念舊  
之故而小源愛客之情可少乎哉

卷終